

Yinznanz Sihsangh Banjnaz Bau Daeuj Bonjbauq Gaujcaz

云南西双版纳报首次到本报考察

Bonjbauq siusik (gicej Cinz Yajnz Vangz Hauyinz) 1 nyied 22 hauh, Yinznanz Sihsangh Banjnaz Bau fucungjbenh Yi Ganghlungz daiq 9 boux benhciz Daivwnz benhcizbu daeuj daengz bonj bauq guh hong gaujcaz gyauhliuz .

Daicuz caeuq Bouxcuengh vah doxdoengz, goekgaen cungj dwg seizgeq “Bwzyez”, ndigah Daicuz caeuq Bouxcuengh dwg beixnuengx.

Youq gwnz hoih gangjlwnh, bonj bauq Banh Cauzyangz cungjbenh hawj gyoengq gaujcazuj gaisau le gij cingzgvang hong Minzcuz bau Banj Sawcuengh caeuq dangqna j lij miz gij gunnanz haenx. Yi Ganghlungz fucujbenh hix gaisau le gij cingzgvang Sihsanghbanjnaz Bau hawj daihgya dingq. Yi Ganghlungz maqmuengh song aen bause au gyagiengz gyauhliuz hagsib, ciengzseiz baedauq, caezdoengz daezsang banh bauq saw minzcuz suijbingz.



▲ Gyoengq beixnuenx Daivwnz Bau nyinhcaen dingq bonj bauq gaisau cingzgvang.



▲ Youq gwnz hoih gangjlwnh, daihgya doiq aen vwndiz bauq cihsaw minzcuz dinghvih guh damqlwnh.

Cenzcouh: Seizdoeng Raeujrubrub

全州：寒冬里的温暖

Mboengqgonq, Cenzcouh Yen doek nae hung, nit raixcaix. Ndaw yienh Dunghsanh Yauzcuz Yangh Cwngfuj cujcz ganbu youq henz goengloh laeb 6 aen fuzvucan, dwk raemxgoenj hawj gyoengq ginzchung loh gvaq gizneix gwn; gyoengq ganbu

lij soengq denz bae hawj bouxlaux ginglajyen, soengq bae lajmbanj hawj boux ginzchung ranz gungzhoj haenx, sawj gyoengqde youq ndaw seizdoeng ngoenznit gamjdaengz raeujrub.

(Vangz Cwzcang/王滋创)



▲ Yangh ganbu soengq denz bae ginglajyen hawj bouxlaux.



▲ Yangh ganbu raix raemxcz hawj ginzchung gwn.

Mbanjcuengh Ndwencieng Haeuxsei Rang

壮乡迎春米花香

Ndwencieng yaek daengz, gyoengq ginzchung Bouxcuengh Bwzswz Si cungj nyaengq guh haeuxsei angqcoux ndwencieng. Haeuxsei dwg au haeuxcid caeuq diengz guh baenz, dwg yiengh doxgaiq Bouxcuengh gvaq cieng itdingh au gwn ndeu, haemhndaep au haeuxsei daeuj caeq cojcoeng, hix au guh laex soengq hawj caencik baengzyoux, hohfuk bi moq gwndaenj lumj haeuxsei nei diemzswdswd.

(Veiz Vancungh)

► Ginzchung gwnzgai Bwzswz Si nyaengq cawx haeuxsei.



Dwzbauj: Eu Fwen Senhconz Gyaudoeng Ancienz Cihsiz

德保：唱山歌宣传交通安全知识

“Bimax ndwen- cieng daengz, vunz nyaengq ci hix nyaengq, ancienz geiq ndawsaem(sim), ngoenz okdou angqyangz”. Youq gwnzhaw Bah- douz Yangh yienh Dwzbauj, gyoengq boux canghfwen Bouxcuengh cingq angq dwk eu fwen, gyoengqde eu fwen senhconz gyau- doeng ancienz cihsiz. Yaek daengz ndwen- cieng, gyoengq ginzchung daeuj haw cawx huq lai, Dwzbauj Yen Gyauhgingj Dadui youq seizneix cujcz minzgingj caeuq ginzchung bae gwnzhaw au gij hingzsik eu fwen neix hawj vunz lai senhconz gyaudoeng ancienz cihsiz.



▲ Gyoengq ginzchung eu fwen senhconz gyaudoeng ancienz cihsiz.

(Maj Cinsanh Ganh Vanjsinh)